



¿Canto viño colle?

Este ano collín sobre dez pipas de 500 litros cada unha, pero hai anos de coller máis, xa que este ano non foi moi bo.

¿Cando proba o viño?

Eu proba o viño cando ando con el e xa sei se vai ser bo ou malo. Gústame probalo só. sen nada que o acompañe.


MANUEL ESTÉVEZ FREIRE

Manuel é coñecido polos veciños tamén como Manolo da Candiña. Manolo é o Presidente da *“Asociación de Viticultores San Martín de Bueu”*. Explicounos un pouco para que foi creada esta asociación e que técnicas posúen para a recolleita do viño.

Esta asociación foi creada en xullo do 2000 e conta actualmente con 98 socios. A finalidade principal pola que foi creada é para tratar de introducir o Tintafemia nas variedades comerciais e, despois, tratar que a zona do Morrazo entrase na denominación do viño.

Comentounos que moitos socios estanse empezando a modernizar e están a introducir barrís ou cubas de aceiro, máquinas despalilladoras e extrugadoras, lagaretas hidráulicas (moi sencillas e non hay que facer ningún esforzo), máquinas para filtrar o viño... E. aínda

que moitos socios son reacios, cada vez faise máis necesario a actuación dun químico (un especialista na materia) para que analice e trate o viño.




O tratamento do viño que aconsellan é: por tratamento de inverno, unha man de sulfato de cobre con bastante dosis “forte”; despois da gomada, unha man de sofre; cando xa estea a viña poblada, como moito catro mans de sulfatos sistémicos; e despois, ata o mes de agosto pasarse ó cobre.

Para que as uvas cuajen ben, poden utilizar “correctores de corrimento da flor” dúas ou tres semanas antes da floración. E para a maduración máis uniforme da uva tamén se poden utilizar “abonos foliares”.

O tratamento da botritis (poche da uva) depende do tamaño da uva: a primeira man dáse lle cando a uva teña o tamaño dunha hervilla e a segunda entre vinte ou trinta días antes da vendimia.

Os membros desta asociación teñen a posibilidade de participar en numerosos cursos e charlas, obteñene produtos máis baratos e un continuo asesoramento por parte dun Inxeñeiro Técnico Agrícola.



*Entrevista realizada por:
Patricia Campos e Moncha Couso*